

醫宗必讀

七

以

瘧疾

痢疾

泄瀉

水腫脹滿

積聚

反胃噎膈

內閣文庫	漢書
四七三	類
函	架
七〇	冊

漢書門	一四七三
架	一一八
冊	一〇

內閣文庫	番號	漢	1473
冊數	10	(7)
函號	301		42



醫宗必讀卷之七

雲間李中梓伯父著

門人包時化象蕃父叅

姪孫李廷芳蘅伯父訂

水腫脹滿

黃帝曰。脉之應於寸口。如何而脹。岐伯曰。其脉

大。堅以濇者。脹也。邪盛則大。邪實則堅。濇者。氣

陰氣必衰。堅。邪之脈。胃氣少。損。故大堅以濇。病當為脹。陰為藏。陽為府。脉

在陰。則脈在藏。病在陽。則脈在府。夫脹者。皆在於藏府之外。排

藏府。而郭胃腸。脹皮膚。故命曰脹。胃腹者。藏府

之郭也。膾中者。心主之宮城也。胃者。太倉也。咽

喉小腸者。傳送也。咽喉傳送者。自上而入。小腸傳送者。自下而出。胃之

五竅者。閭里門戶也。咽門賁門幽門闌門魄門。胃氣之所行也。是為五竅。

閭。巷門也。里。隣里也。周禮五家為比。五比為閭。蓋二十五家也。五家為軌。十軌為里。蓋五十家也。言胃之五竅。舉如閭里門戶。廉泉玉英者。津液之道也。二穴。即玉堂。

故五臟六府者。各有畔界。其病各有形

狀。營氣循脉。衛氣逆為脉脹。清者為營。營行脉中。其氣精專。未即

致脹。濁者為衛。衛行脉外。其氣慄疾。行于分肉

之間。故必由衛氣之逆。而後病及于營。則為脉

脹。衛氣並脉循分為膚脹。衛氣逆而滯于肌腠。循分肉之間。故為膚

脹。心脹者。煩心短氣。臥不安。肺脹者。虛滿而喘

欬。肝脹者。脇下滿。而痛引小腹。脾脹者。善噦。四

肢煩惋。音美。惋。悶亂也。體重不能勝衣。臥不安。腎脹者。

腹滿引背。臑臑然。腰髀痛。此五臟之脹也。胃脹者。腹滿

胃脘痛。鼻聞焦臭。妨于食。大便難。大腸脹者。腸

鳴而痛濯濯。冬日重感于寒。則飧泄不化。小腸

脹者。少腹脹。音腫。引腰而痛。膀胱脹者。少腹滿

而氣癢。三焦脹者。氣滿于皮膚中。輕輕然而不

腫脹。

堅。膽。脹。者。脇。下。痛。脹。口。中。苦。善。太。息。此六府之

腸鳴水聲也。氣壅者。勝。厥氣在下。營衛留止。寒

氣逆上。真邪相攻。兩氣相搏。乃合為脹也。厥逆

自下而上。營衛失常。故

黃帝曰。水與膚脹鼓脹。腸覃石瘕石水。何以別

之。岐伯曰。水始起也。目窠上微腫。如新臥起之

狀。目下為窠。微腫。其頸脉動。時欬。頸脉。足陽明

之脉。自人迎下循腹裏。水邪乘之。陰股間寒。足

脛腫。即腹大。其水已成矣。以手按其腹。隨手

而起。如裹水之狀。此其候也。以上皆水○膚脹

者。寒氣客於皮膚之間。蹙蹙然不堅。腹大身盡

腫。皮厚。蹙蹙。鼓聲也。寒氣客于皮膚之間。陽氣

故不堅。氣無所不至。故腹大身盡腫。按其腹。窅

若因于水。則在水處腫。無水處不腫。按其腹。窅

而不起。腹色不變。此其候也。寒氣在膚腠之間。

故窅而不起。以其皮厚。故腹色不變也。○按此

上兩條。以按其腹。隨手而起者。屬水。窅而不起

者。屬氣。此固然也。然氣亦有隨手而起者。水亦

有窅而不起者。未可以起與不起為的辨。但當

察皮厚色蒼。或一身盡腫。或自上而下者多。屬

水。屬。○鼓脹者。腹脹身皆大。大與膚脹等也。色蒼

黃腹筋起此其候也。內傷脾腎心腹脹滿且食則不能吞食中空無物腹

皮細急其象如鼓故名鼓脹其狀與上文膚脹無異但腹有筋起為別○膚脹屬肺鼓脹屬脾

○腸覃者寒氣客於腸外與衛氣相搏氣不得

榮因有所繫癖而內著惡氣乃起瘕肉乃生。延

布而深也寒氣與衛氣相搏則畜積不行其始留于腸外有所繫著故癖積起瘕肉生也

生也大如雞卵稍以益夫至其成如懷子之狀

久者離歲按之則堅推之則移月事以時下此

其候也。離歲越歲也寒邪客于腸外不在胞中故無妨于月事其非血病可知蓋由汁沫所聚

○石瘕生于胞中寒氣客于子門子門

閉寒氣不將通惡血當寫不寫以留止日以

益大狀如懷子月事不以時下皆生于女子可

導而下。衄凝敗之血也子門閉塞則衄血留止其堅如石故曰石瘕可以導血之劑下

也。之

帝曰其有不從毫毛生。病生于內五藏陽以竭也津

液充郭其魄獨居孤精于內氣耗于外形不可

與衣相保此四極急而動中是氣拒于內而形

施于外治之奈何。氣為腸陽竭則不能通調水道故津液充滿于皮郭肺主

氣而魄藏焉無氣則魄獨居形體腫脹不可與衣相保四肢腫急喘而動中是氣逆而拒于內

形大而施于外。岐伯曰平治于權衡。去苑陳莖。微動四

極。溫衣繆刺其處。以復其形。開鬼門。潔淨府。精

以時服。五陽以布。疎滌五藏。故精自生。形自盛。

骨肉相保。巨氣乃平。權衡陰陽各得其平。苑者積也。陳者久也。莖者腐也。

陰陽平治。水氣自去。微動四極者。運動四肢也。溫則水氣易行。故須溫衣。不拘隊穴。名曰繆刺。

勝理謂之鬼門。膀胱謂之淨府。開者發汗也。潔者。滲利也。陽氣既和。陰精時服。由是五陽宣布。

陰水盡滌。精血自生。形肉自盛。骨肉與衣相保。大氣平矣。此章言胃上陽虛。不能制水溢之陰也。

○岐伯無石水之對。必有缺文。陰陽別論曰。陰陽結邪。多陰少陽曰石水。少腹腫。其脉當沉。

愚按內經之論腫脹五藏六府靡不有之。詳考

全經。如脉要論曰。胃脉實則脹。病形篇曰。胃病

者腹臘脹。本神篇曰。脾氣實則腹脹。涇洩不利。

應象論曰。濁氣在上。則生臘脹。此四條皆實脹

也。太陰陽明論曰。飲食起居失節。入五藏則臘

滿閉塞。師傳篇曰。足太陰之別。公孫虛。則鼓脹。

此二條皆虛脹也。經脉篇曰。胃中寒則脹滿。方

宜論曰。藏寒生滿病。風論曰。胃風鬲寒不通。失

衣則臘脹。此三條皆寒脹也。六元正紀至真要

等論有云。太陰所至為臘腫。及王鬱之發。太陰

醫宗心義 卷之七
之初氣。大陰之勝復皆濕。勝之腫脹也。或曰水
運太過。或曰寒勝則浮。或曰太陽司天。太陽勝
復皆寒。勝之腫脹也。或曰少陰司天。少陰勝復
少陽司天。少陽勝復。或曰熱勝則腫。皆火勝之
腫脹也。或曰厥陰司天在泉。厥陰之復。或曰陽
明之復。皆木邪侮上。及金氣反勝之腫脹也。由
是則五運六氣。亦各有腫脹矣。然經有提其綱
者。曰諸濕腫滿。皆屬於脾。又曰其本在腎。其末
在肺。皆聚水也。又曰腎者胃之關也。關門不利。

故聚水而從其類也。可見諸經雖皆有腫脹。無
不由于脾肺腎者。蓋脾土主運行。肺金主氣化。
腎水主五液。凡五氣所化之液。悉屬於腎。五液
所行之氣。悉屬於肺。轉輸二藏以制水生金者。
悉屬於脾。故腫脹不外此三經也。但陰陽虛實
不可不辨。大抵陽證必熱。熱者多實。陰證必寒。
寒者多虛。先脹于內而後腫于外者為實。先腫
于外而後脹于裏者為虛。小便黃赤大便秘結
為實。小便清白大便溏泄為虛。滑數有力為實。

弦浮微細爲虛色紅氣粗爲實色悴聲短爲虛
凡諸實證或六淫外客或飲食內傷陽邪急速
其至必暴每成于數日之間若是虛證或情志
多勞或酒色過度日積月累其來有漸每成于
經月之後然治實頗易理虛恒難虛人氣脹者
脾虛不能運氣也虛人水腫者上虛不能制水
也水雖制于脾實則統于腎腎本水藏而元陽
寓焉命門火衰既不能自制陰寒又不能溫養
脾土則陰不從陽而精化爲水故水腫之證多
屬火衰也丹溪以爲濕熱宜養金以制水使脾
無賊邪之患滋水以制火使肺得清化之權夫
制火固可保全獨不慮其害土乎惟屬熱者宜
之若陽虛者豈不益其病哉更有不明虛實專
守下則脹已之一法雖得少寬于一時真氣愈
衰未幾而腫脹再作遂致不救殊可嘆也余于
此證察其實者直清陽明反掌收功苟涉虛者
溫補脾腎漸次康復其有不大實亦不大虛者
先以清利見功繼以補中調和又有標實而本

虛者瀉之不可補之無功。極爲危險。在病名有鼓脹與蠱脹之殊。鼓脹者中空無物。腹皮絀急。多屬于氣也。蠱脹者中實有物。腹形充大。非蟲即血也。在女科有氣分與血分之殊。氣分者心胸堅大而病發于上。先病水脹而後經斷。血分者血結胞門而病發于下。先因經斷而後水脹。在治法有理肺與理脾之殊。先喘而後脹者治在肺。先脹而後喘者治在脾。以上諸法此其大畧也。若夫虛實混淆陰陽疑似。貴在臨證之項。

神而明之。其免于實實虛虛之害乎。四肢不腫。但腹脹者。

名單腹脹。難愈。

次論 腹脹身熱者死。腹脹寒熱如瘧者死。

腹大脹。四末清脫。形洩甚爲逆。腹脹便血。脉

大時絕者死。以上脹滿唇黑或腫。肝傷。缺盆平。

心傷。臍突。脾傷。足心平。腎傷。背平。肺傷。

五傷者死。陰囊及莖腫腐者死。瀉後腹脹

而有青筋者死。大便滑泄。水腫不消者死。

水腫先起于腹。後散四肢者可治。先起于四肢。

後歸于腹者死。以上水腫

脈法 盛而緊。大堅以濇。遲而滑。皆脹滿。

沉而滑。浮而遲。弦而緊。皆水腫。二病之

脈。實大者可治。虛微者難治。

醫案

太學何宗魯。夏月好飲水。一日太宗師發放。自蚤起候至未申。為炎威所逼。飲水計十餘碗。歸寓便脹悶不能食。越旬日。腹如抱甕。氣高而喘。求治于余。余曰。皮薄而光。水停不化也。且六脈

堅實。其病暴成。法當利之。遂以舟車丸。每服三錢。香薷湯送。再劑。而二便湧決如泉。復進一錢五分。腹減如故。用六君子十貼即愈。

徽州方太和。大怒之後。復大醉。至明日目下如臥蠶。居七日而肢體皆腫。不能轉側。二便不通。煩悶欲絕。余診之。脈沉且堅。當逐其水。用疎鑿飲子。一服而二便快。再服而四肢寬。更以五皮飲。服三日隨愈。以上二案。水腫實證。

武林文學錢賞之。酒色無度。秋初腹脹。冬秒遍

體腫急。臍突背平。在法不治。迎余治之。舉家叩首。求救哀迫。余曰。我非有起死金丹。但當盡心力而圖之耳。即用金匱腎氣丸料。大劑煎服。兼進理中湯。服五日無效。余欲辭歸矣。其家曰。自知必死。但活一日。則求一日之藥。即使不起。安敢歸咎乎。勉用人參一兩。生附子三錢。牛膝茯苓各五錢。三日之間。小便解下。約有四十餘碗。腹有縐紋。舉家拜曰。皆再造之恩也。約服人參四斤。附子一斤。薑桂各一斤餘。半載而瘥。此水腫之

者。虛

都憲李來吳。積勞多鬱。肢體脹滿。以自知醫。輒用胃苓湯加枳殼。三月以來。轉加痞悶。余診其脉沉濇而軟。視其色黃白而枯。此虛證也。宜大溫大補。始猶不信。爭之甚力。僅用參二錢。稍覺寬舒。欲加桂附。執不肯從。余曰。證坐虛寒。喜行攻伐。已見既堅。良言不納。雖有扁倉。豈能救耶。越兩月。果歿。此氣脹之虛者。

錦衣太傅徐澹寧。稟異素壯。病餘肥甘過度。腹

脹氣粗。余診之。脉盛而滑。按之不甚虛。宜以利氣之劑。少佐參朮。惑于多岐之說。旦暮更醫。余復診曰。即畏參不用。攻擊之劑。決不可投也。後與他醫商之。仍用理脾疎氣之劑而安。此氣脹亦不大。虛者。

光祿卿吳伯玉夫人。患腹滿而痛。喘急異常。大便不通。飲食不進。醫者用理氣利水之劑。二十日不效。余診之。脉大而數。右尺爲甚。令人按腹。手不可近。余曰。此大腸癰也。脉數爲膿。已成。用

黃耆皂刺白芷之類。加葵根壹兩。煎一碗。頓服。

之。未申痛甚。至夜半而膿血大下。昏暈不支。即

與獨參湯稍安。更與十全大補。一月而愈。此似

實非者。

五皮飲 治脾肺不能運行。氣滿皮膚。水停不利。

大腹皮 洗 赤茯苓皮 生薑皮

陳皮 桑白皮 炒各一錢五分

水鍾半。煎八分。日進三服。

胃苓湯 方見泄瀉

香蘇散 治水氣虛腫小便赤澀。

橘紅 去白 二錢 防已 木通

紫蘇葉 各一錢

水鍾半薑三片煎八分服。

實脾飲 治陰水發腫用以實脾。

厚朴 薑汁炒 白朮 炒 木瓜

大腹子 附子 炮 木香 忌火

草果 白茯苓 炒各一錢 乾薑 炒各一錢

水鍾半薑五片煎七分服。

復元丹 治脾腎俱虛。遍身水腫小便不通。

附子 炮二兩 木香 煨 茴香 炒

川椒 炒出汗 厚朴 薑汁炒 獨活

白朮 炒 橘紅 吳茱萸 炒

桂心 各一兩 澤瀉 二兩 肉果 煨

檳榔 各五錢

爲末糊丸桐子大每服三錢紫蘇湯送下。

金匱腎氣丸 治肺脾腎俱虛。遍身腫脹小便不利。痰氣喘急非此藥不救。

白茯苓 四兩 附子 炮七錢 川牛膝

肉桂 去皮

澤瀉 去皮

車前子

山茱萸 去核

山藥

牡丹皮 各一兩

熟地黄 四酒 長杵膏

蜜丸桐子大每服四五錢空心白湯下。

補中益氣湯 方見類中風

理中湯 方見傷寒

導水茯苓湯 治遍身水腫喘滿小便澀澀諸藥不效者用此即愈。

赤茯苓 麥門冬 去心 澤瀉

白朮 各三兩 桑白皮 紫蘇

檳榔 木瓜 各一兩 大腹皮

陳皮 砂仁 木香 各七錢半

右為粗末每服五錢水二鍾燈草二十五根。

煎八分服連進三服小便漸利。

沉香琥珀丸 治水腫小便閉。

琥珀 杏仁 去皮尖炒 紫蘇

赤茯苓 澤瀉 各五錢 葶藶 炒

郁李仁 去皮 沉香 各一兩 陳皮 去白

防己 各七錢五分

為末蜜丸梧子大以麝香為衣每服一錢五

分。加至五錢。空心人參湯送下。

疏鑿飲子

治通身水腫。喘呼氣急。煩躁多渴。大小便不通。服熱藥不得者。

澤瀉

商陸

赤小豆

炒

羌活

去蘆

大腹皮

椒目

木通

秦艽

去蘆

茯苓皮

檳榔

各一錢

水鍾半。薑五片煎九分服。

敷藥

治腹滿如石。或陰囊腫大。先用甘草嚼後用此。

大戟

芫花

甘遂

海藻

各等分

右為細末用醞醋調麩和藥攤于綿紙上覆貼腫處仍以軟綿裹住。

小胃月

芫花

醋拌一宿瓦器內炒黑不可焦

甘遂

長流水浸半日煮晒乾

大戟

長流水煮再用水洗晒各五錢

大黃

濕帛裹煨切酒炒一兩五錢

黃礬

炒三兩

右為細末以白朮膏丸如蘿蔔子大臨臥白湯送下每服十錢欲利空心服

十棗湯

見傷寒

舟車神祐丸 去一切水濕痰飲如神。

甘遂

芫花

大戟

各一兩 俱醋炒

大黃 二兩

黑牽牛

頭末 四兩

青皮

陳皮

木香

檳榔

各五錢

輕粉 一錢

爲細末。水丸。椒日大空心服五丸。日三服。痞悶者多服。反煩滿。宜初服二丸。每服加二丸。快利爲度。戴人每全病者先服百餘粒。繼以瀆川等藥投之。五更當下。種種病出。輕者一

二度。重者五六度。方愈。藥雖峻急。爲效極神。弱者當依河間漸次進。實者依戴人治之。

大聖瀆川散

大黃 煨

牽牛

取頭末

郁李仁

各一兩

木香 三錢

芒硝

三錢

甘遂

五分

評曰。諸濕爲土。火熱能生濕。土故夏熱則濕。秋涼則燥。嘗考戴人治法。假令肝木乘脾土。土不勝木。求救于子。巳土能生庚金。味辛者爲金。大加薑使伐肝木。然不開脾土。無由

行也。先以舟車丸通其閉塞之路。瀉其所不勝。後以薑汁調瀘川散。大下之。是瀉其所勝也。戴人每言導水丸必用禹功散繼之。舟車丸必以瀘川散繼之。

神芎導水丸 治一切因熱積聚。

黃芩 一兩

黃連

川芎

薄荷 各五錢

大黃 二兩

滑石

黑丑

頭末各四兩

為末水丸。

有血積者。加桂五錢。

加味枳朮湯

治氣為痰飲所隔。心下堅脹。名曰氣分。

枳殼 麩炒

官桂 去皮

紫蘇

陳皮

檳榔

桔梗

白朮 炒

五靈脂 炒

木香

各八分

半夏

薑製

茯苓

甘草

各四分

水二鍾。生薑三片。煎一鍾服。

椒仁丸

治先因經水斷絕。後至四肢浮腫。小便不通。血化為水。

椒仁

甘遂

續隨子

去皮研

附子 炮

郁李仁

黑牽牛

炒

十六

腫脹

五靈脂 研

當歸

吳茱萸

玄胡索

各五錢

羌活

醋浸一錢

翫青

十枚去頭翅足米炒

蟹螯

十枚製同翫青

膽礬

信礪

各一錢

石膏

二錢

為末。糊丸。鷄豆大。每服一九。橘皮湯下。藥雖峻厲。所用不多。畏而不服。有養病害身之患。

鷄矢醴法

鷓鴣矢

八合炒微焦

無灰好酒二碗。煎至碗半。濾取汁。五更熱飲。

則腹鳴。辰巳時行二三次。黑水。次日足有縲紋。又飲一次。漸縲至膝上而愈。

雞金散

雞裏金

一具焙

真沉香

二錢

砂仁

三錢

陳香櫟

去白五錢

為末。每用一錢五分。薑湯下。虛者參湯下。中滿分消丸。治中滿熱脹。有寒者忌服。

黃芩

去腐炒一兩

黃連

炒五錢

薑黃

白朮

炒

人參

去蘆

甘草

炙

猪苓 去皮各一錢 白茯苓 去皮 乾生薑

砂仁 各二錢 枳實 炒 半夏 泡各五錢

厚朴 薑炒一兩 知母 炒四錢 澤瀉

陳皮 各三錢

為末。蒸餅丸。如桐子大。每服百丸。白湯下。

中滿分消湯 治中滿寒脹。熱者忌用。

黃耆 炒 吳茱萸 炒 厚朴 薑製

草豆蔻 黃檗 各五分 益智仁

半夏 製 茯苓 木香

升麻 各三分 人參 青皮 炒

當歸 黃連 炒 澤瀉

生薑 麻黃 不去節 柴胡

乾薑 炒 川烏 萆澄茄 各二分

水二鍾。煎一鍾服。

禹餘糧丸 許學士。朱丹溪。皆贊此方。為水脹之聖藥。

蛇含石 大者三兩。鐵銚盛。燒通紅。鉗取出。研極細。

禹餘糧石 三兩 真針砂 五兩 淘淨炒乾。用醋

乾。更用銚并藥燒紅。傾淨磚地上。候冷。研極細。 羌活

木香

茯苓

川芎

牛膝

酒浸

桂心

白豆蔻

大茴香

炒

蓬朮

炮

附子

炮

乾薑

炮

青皮

京三稜

炮

白茯苓

當歸

酒浸各五錢

為末。入前三味拌勻。蒸餅丸如桐子大。食前白湯下。三十九至五十九。前三味非甘遂芫花之比。又有各項藥扶持。虛人老人亦可服也。最忌鹽。一毫入口。發疾愈甚。服藥後。即於小便內。旋去不動。藏府。每日三服。更以溫補之藥助之。真神方也。

土狗。一名螻蛄。焙乾為末。用上半節。即消。是身可消左。右可消右。方士以此為神奇。

藥也。凡病起于下。風雨襲虛。病起于上。喜怒不節。則傷藏。藏傷則病起于陰也。

積聚

靈樞曰。喜怒不節。則傷藏。藏傷則病起于陰也。

清濕襲虛。病起于下。風雨襲虛。病起于上。

內傷于藏。故起于陰。清濕襲虛。陰邪之在表也。故起于下。風雨襲虛。陽邪之在表也。故起于上。

虛邪之中人也。始于皮膚腠理。開邪從毛髮入。

着孫絡之脉。往來移行。腸胃之間。濯濯有音。寒

則脹滿。雷引。故時切痛。

孫絡。脉之細者。有水則濯濯有聲。動而得也。有

寒則雷鳴相引。不動亦得也。著傷明之經。挾臍而居。飽則大。饑則小。

胃受水穀。故飽則大。飢則小。著于緩筋。飽則痛。饑則

安。緩筋在肌肉之間。故與陽明之積同。著于腸胃之募原痛而外

連于緩筋飽則安。饑則痛。募原者皮裏膜外也。著于伏衝

之脉。揣之應手而動。發手則熱氣下于兩股。如

湯沃之狀。伏衝即衝脉之在脊者。以其最深。故曰伏衝。其上行者循背裏絡于督脉。

其下行者注少陰之大絡出于氣街循陰股內廉入膈中。故揣按則應手而動。起手則熱氣下

也。著于脊筋在腸後者。饑則積見。飽則不見。按

之不得。脊筋在脊內。故居腸胃之後。饑則腸空。故積可見。飽則腸滿蔽之。故積不可見

也。著于輸之脉者。閉塞不通。津液不下。孔竅乾

壅。凡諸輸穴皆經氣聚會之處。所以通血氣。若不通則津液乾壅。此以上譏風雨鬱陰之

虛。起于上而積生也。積之始生得寒乃生。厥乃成積也。厥氣生足

足。倦生脛寒。脛寒則血脉凝滯。寒氣上入于腸

胃則臍脹。臍脹則腸外之汁沫迫聚不得散。日

以成積。厥者逆也。寒逆于下。故生足倦。言肢節痛而不利也。血受寒則凝滯。漸入腸胃。

則陽氣不化。故為臍脹。腸外汁沫不散。則日以成積。卒然多食飲則腸滿

起居不節。用力過度。則絡脉傷。陽絡傷則血外

溢。血外溢則衄血。陰絡傷則血內溢。血內溢則

後血。腸胃之絡傷則血溢于腸外。腸外有寒汁



沫與血相搏則并合凝聚不得散而積成矣。食傷

腸胃汁溢膜外與血相搏乃成食積又或用力傷陰陽之絡以動其血血得寒沫相膠腸外乃

成血積貪日腹安作勞者多有之。卒然外中于寒若內傷于憂

怒則氣上逆六輸不通溫氣不行凝血蘊裹而

不散津液濇滲著而不去而積皆成矣。寒邪中于外喜

怒傷其內氣因寒逆則六經之輸不通溫煖之

氣不行陰血凝聚血因氣逆而成積此性情乖戾者多有之

積之始生節寒氣下逆而成積卒然多食節飲食起居而成積卒然外中節情

志外傷挾寒成積合二節而言總是清濕襲陰之虛痲起于下而成積也

難經曰積者五藏所生其始發有常處其痛不

離其部上下有所終始左右有所窮處聚者六

府所成其始發無根本上下無所留止其痛無

常處。肝之積名曰肥氣在左脇下如覆杯。令

人嘔逆。或兩脇痛引小腹。足寒轉筋。肺之積

名曰息賁。在右脇下。如覆杯。氣逆背痛。久則喘

咳。心之積名曰伏梁。起臍上。大如臂。上至心

下。久則令人煩心。脾之積名曰痞氣。在胃脘

大如覆杯。痞塞吐泄。久則飲食不為肌膚。腎

之積名曰賁豚。發于少腹。上至心若豚狀。上下

無時。久則喘逆骨痿少氣。癥者。按之應手。亦如五積之不移。瘕者。假物成形。如血鼈石瘕之類。疝。皮厚也。在肌肉之間而可見者也。癰者。僻也。內結于隱僻。外不可見也。

愚按積之成也。正氣不足而後邪氣踞之。如小人在朝。由君子之衰也。正氣與邪氣。勢不兩立。若低昂然。一勝則一負。邪氣日昌。正氣日削。不攻去之。喪亡從及矣。然攻之太急。正氣轉傷。初中末之三法。不可不講也。初者。病邪初起。正氣

尚強。邪氣尚淺。則任受攻。中者。受病漸久。邪氣較深。正氣較弱。任受且攻且補。末者。病魔經久。邪氣侵凌。正氣消殘。則任受補。蓋積之為義。日積月累。匪朝伊夕。所以去之。亦當有漸。太亟則傷正氣。正傷則不能運化。而邪反固矣。余嘗製陰陽二積之劑。藥品稍峻。用之有度。補中數日。然後攻伐。不問其積去多少。又與補中待其神壯。則復攻之。屢攻屢補。以平為期。此余獨得之訣。百發百中者也。經曰。大積大聚。其可犯也。衰

其半而已。故去積及半。純與甘溫調養。使脾土
健運。則破殘之餘積。不攻自走。必欲攻之無餘。
其不遺人天殃者鮮矣。經曰。壯者氣行即愈。怯
者著而為病。潔古云。壯盛人無積。虛人則有之。
故當養正則邪自除。譬如滿座皆君子。一二小
人。自無容身之地。雖然。此為輕淺者言耳。若大
積大聚。不搜而逐之。日進補湯無益也。審知何
經受病。何物成積。見之既確。發直入之。兵以討
之。何患其不愈。兵法云。善攻者敵不知其所守。
是亦醫中之良將也夫。

脉候 堅強者生。虛弱者死。細沉附骨者積脉也。
沉而有力為積。脉沉緊者有寒積。脉浮而
牢。積聚也。

醫案

襄陽郡守于鑑。加在白下時。每酒後腹痛。漸至
堅硬。得食輒痛。余診之曰。脉浮大而長。脾有大
積矣。然兩尺按之軟。不可峻攻。令服四君子湯
七日。投以自製攻積丸三錢。但微下。更以四錢

服之。下積十餘次。皆黑而韌者。察其形不倦。又進四錢。于是腹大痛。而所下甚多。服四君子湯十日。又進九藥四錢。去積三次。又進二錢。而積下。遂至六七碗許。脉大而虛。按至關部豁如矣。乃以補中益氣調補一月。全愈。

親家工部王漢梁。鬱怒成痞。形堅而痛甚。攻下大多。遂泄瀉不止。一晝夜。計下二百餘次。一月之間。肌體骨立。神氣昏亂。舌不能言。已治終事。待斃而已。余診之曰。在證雖無活理。在脉猶有生機。以真藏脉不見也。舉家喜曰。諸醫皆曰必死。何法之治。而可再起耶。余曰。大虛之候。法當

大溫大補。一面用枯礬龍骨粟殼樗根之類。以固其腸。一面用人參二兩。熟附五錢。以救其氣。三日之間。服參半斤。進附二兩。瀉遂減半。舌轉能言。更以補中益氣。加生附子乾薑。併五貼。爲一劑。一日飲盡。如是者一百日。精旺食進。瀉減十九。然每日夜。猶下四五行。兩足痿廢。用仙茅巴戟丁附等爲丸。參附湯並進。計一百四十日。

而步履如常。痞瀉悉愈。向使委信不專。有一人參以他說。有片語畏多。參附安得。甘再生之日哉。詳書之以爲信。醫不專者之藥石。

社友姚元長之內。久患痞積。兩年之間。凡攻擊之劑。無遺用矣。而積未盡除。形體尪羸。余聞之。而告其友曰。積消其半。不可伐已。但用補湯。元氣一復。病崇全祛耳。元長信之。遂作補丸。服畢而痞果全消。踰三年。調理失宜。胸腹痛甚。醫者以痛無補法。用理氣化痰之藥。痛不少衰。余診之大而無力。此氣虛也。投以歸脾湯。加入參二錢。其痛立止。

給諫侯啓東。腹中嘈痛。余按其左脇。手不可近。凡飲食到口。喉間若有一物接之者然。余曰。脉大而數。腹痛嘔涎。面色痿黃。此虛而有濕。濕熱相兼。蟲乃生焉。當煎人參湯。送檳黃丸。以下蟲積。蟲若不去。雖服補湯。竟何益乎。豫瞻先生畏謹之至。不敢輕投。終莫能起。

肥嫩牡黃牛肉三十斤。切小塊。去筋。

膜長流水煮爛。濾去滓。取汁入鍋中。慢火熬至
琥珀色。則成矣。先令病人斷慾食淡。前一日不
食夜飯。設一室。明快而不通風。置穢桶瓦盆。貯
吐下之物。另一磁盆。盛所出之溺。病者入室。飲
汁。積至一二十杯。寒則重湯溫而飲之。飲急則
吐多。飲緩則下多。先急後緩。吐利俱多。因病之
上下。而為之活法也。以去盡病根為度。吐下後
必渴。不得與湯。以自出之溺飲之。非惟止渴。抑
且浣濯餘垢。倦睡覺饑。先與稠米湯。次與淡稀
粥。二日後。方少與菜羹。次與厚粥。調養一月。沉
痾悉安。以後忌牛肉數年。積久形成。依附腸胃
回薄曲折處。自非刮腸剖骨之神。可以丸散犯
其藩墻乎。肉液充滿流行。有如洪水泛漲。浮槎
陳朽。皆順流而下。不可停留。凡屬礙滯。一洗而
空。

新製陰陽攻積丸

治五積六聚。七癥八瘕。痰食。不問陰陽皆效。

吳茱萸 泡

乾薑 炒

官桂 去皮

川烏 炮各一兩

黃連 炒

半夏 洗

醫通各書
陰陽攻積丸
治寒熱諸積
此方出於
生必說先生
寓郭園曾以
此方授之郭
云是喬三餘
所定云云

橘紅

茯苓

檳榔

厚朴

枳實

菖蒲

玄胡索

人參

沉香

琥珀

桔梗

巴霜

右為細末。皂角六兩煎汁。泛為丸如菉豆大。每服八分。漸加一錢五分。生薑湯送下。

千金硝石丸

硝石

大黃

人參

甘草

為細末。用三年苦酒三升置器中以竹片作

準。每入一升。刻一痕。先入大黃。不住手攪。使

微沸。盡一刻。乃下餘藥。又盡一刻。微火熬九

梧子大。每服三十九。忌風冷。宜軟粥將息。

肥氣丸

治肝之積。在左脇下。

春夏加黃連五錢

柴胡

黃連

厚朴

椒

去閉口者炒四錢

甘草

廣茂

昆布

人參

皂角

茯苓

各一錢半

川烏

炮一分

乾薑

巴霜 各五分

除茯苓皂角巴豆為細末。另研茯苓皂角為末和勻。方入巴豆蜜丸桐子大。初服二丸。一日加一丸。二日加二丸。漸加至大便微澀。再從兩丸加服。積去大半勿服。

息賁丸 治肺之積。在右脇下。

厚朴 薑炒 八錢 黃連 炒 一兩 三錢 人參 去蘆 二錢

乾薑 炮 茯苓 另末 川椒 炒去汗

紫菀 去苗一分 錢五分 桂枝 桔梗

京三稜 炮 天門冬 陳皮

川烏 炮 白豆蔻 各一錢 青皮 五分

巴霜 四分

丸法服法。俱同肥氣丸。

伏梁丸 治心之積。起臍上。

黃連 一兩 五錢 人參 厚朴 薑製各五錢

黃芩 三錢 肉桂 茯苓

丹參 炒各一錢 川烏 炮 乾薑 炮

紅豆 葛蒲 巴豆霜 各五分

二五 積聚

九服法同肥氣丸。

痞氣丸 治脾之積在胃脘。

厚朴

薑炒五錢

黃連

八錢

吳茱萸

炮三錢

黃芩

白朮

各二錢

茵陳

酒炒

砂仁

乾薑

炒各一錢五分

茯苓

另末

人參

澤瀉

各一錢

川烏

炮

川椒

各五分

巴霜

另研

桂

各四分

九服法同肥氣丸。

奔豚丸 治腎之積發于小腹上至心下。

厚朴

薑製七錢

黃連

炒五錢

苦楝子

酒煮三錢

茯苓

另末

澤瀉

菖蒲

各一錢

玄胡索

一錢五分

附子

全蝎

獨活

各一錢

烏頭

炮

丁香

各五分

巴霜

四分

肉桂

二分

丸服法同肥氣丸。

秋冬另加厚朴五錢

三聖膏

石灰

十兩篩過極細炒紅

用好醋熬成膏入大黃末一兩官桂末五錢。

攪勻。瓦器封貯。紙攤烘煖貼患處。

補中益氣湯 方見類中風 四君子湯 歸脾湯 十

全大補湯 三方俱見虛癆

輕者。葛根、神麩、黃連、白豆蔻。甚者用甘

遂牽牛。

輕者。木香、枳殼、厚朴、橘紅。甚者。枳實、牽

牛。

輕者。乾漆、桃仁、牡丹、歸尾、赤芍藥、紅花。

甚者。大黃、蟲蟲、水蛭、穿山甲、花蕊石。

輕者。半夏、瓜蔓。甚者。滾痰丸、老痰、海石。

瓦楞子。痰在皮裏膜外。白芥子。

輕者。五苓散。甚者。商陸、甘遂、芫花。

輕者。薑黃、芝蔴。甚者。茱史、椒薑。

輕者。三稜、蓬朮。甚者。巴霜、大黃。

輕者。麥芽、穀芽、神麩、砂仁。甚者。雞內金。

輕者。山查、阿魏。甚者。礪砂、硝石。

白豆寇、橘紅、豆豉、薑汁。

丁香、肉桂、麝香。

雜蒟子薑酒煎。

紫蘇橘皮木香薑汁白馬尿治龍積

杏仁山查

雄黃錫灰檳榔雷丸蕪荑樞子使君子

鼈甲草果

反胃噎塞

噎塞者食不得入是有火也。反胃者食入反出是無火也。

內經曰三陽結謂之膈也。三陽者大腸小腸膀胱也。結者結熱也。小腸結

熱則血脈燥大腸結熱則後不調膀胱結熱則津液涸三陽俱結前後秘瀉下既不通必反上行此所以噎食不下。縱下而復出也。

黃帝針經云胃病者膈咽不通飲食不下。咽者嚥物

之門戶。膈者心肺之分野不通者濁氣在上。腎肝吸入之陰氣不得下而反在上也。病在于胃愚按反胃噎膈總是血液衰耗胃脘乾槁槁在

上者水飲可行食物難入名曰噎塞槁在下者食雖可入良久復出名曰反胃。二證總名為膈。

故內經止有三陽結謂之膈一語。潔古分吐證爲三端。上焦吐者皆從于氣。食則暴吐。中焦吐者皆從于積。或先吐而痛。或先痛而吐。下焦吐者皆從于寒。朝食暮吐。暮食朝吐。巢氏浪分五噎。十膈。支派煩多。惑人滋甚。惟張雞峯以爲神思間病。法當內觀靜養。斯言深中病情。大抵氣血虧損。復因悲思憂恚。則脾胃受傷。血液漸耗。鬱氣生痰。痰則塞而不通。氣則上而不下。妨礙道路。飲食難進。噎塞所由成也。脾胃虛傷。運行失職。不能熟腐五穀。變化精微。朝食暮吐。暮食朝吐。食雖入胃。復反而出。反胃所由成也。二者皆在膈間受病。故通名爲膈也。噎塞之吐。即潔古之上焦吐。反胃之吐。即潔古之下焦吐。王太僕云。食不得入。是有火也。食入反出。是無火也。噎塞大都屬熱。反胃大都屬寒。然亦不可拘也。脉大有力。當作熱治。脉小無力。當作寒醫。色之黃白而枯者爲虛寒。色之紅赤而澤者爲實熱。以脉合證。以色合脉。庶乎無誤。經曰。能合色脉。

可以萬全。此證之所以疑難者。方欲健脾理痰。恐藥劑有妨于津液。方欲養血生津。恐潤劑有礙于中州。審其陰傷火旺者。當以養血為亟。脾傷陰盛者。當以溫補為先。更有憂志盤礴。火鬱閉結。神不大衰。脈猶有力。當以倉公河間之法。下之。小小湯丸累累加用。關扃自透。膈間痰盛。微微涌出。因而治下。藥勢易行。設或不行。蜜鹽下導。始終勾引。自然宣通。此皆虛實陰陽之辨。臨證之權衡也。或泥于金匱局方。而偏主辛溫。

或泥于玉機心法。而偏主清潤。凡若是者。皆賴病合法耳。豈云法治病乎。

灰證 年滿六旬者難治。稟厚善守禁忌。尊信醫藥。亦有生者。真如

羊屎者不治。口吐白沫者不治。胸腹嘈痛。如刀割者死。

脈候 緊而滑者吐逆。小弱而瀉者反胃。沉緩無力。或大而弱。為氣虛。數而無力。或瀉小。為血虛。弦為痰。滑為痰。寸緊尺瀉。胸滿不能食而吐。難經曰。脈革則吐逆。



邑宰張孟端夫人憂怒之餘得食輒噎胸中隱痛。余診之曰。脉緊且滑。痰在上脘。用二陳加薑汁竹瀝。長公伯元曰。半夏燥乎。余曰。濕痰滿中。非此不治。遂用四劑。病尚不減。改大半夏湯。服四貼。胸痛乃止。又四貼而噎亦減。服二十劑而安。若泥半夏爲燥。而以他藥代之。豈能愈乎。惟痰不盛。形不肥者。不宜與服也。

江右太學方春和年近五旬。多慾善怒。患噎三。月日進粉飲一鍾。腐漿半鍾。且吐其半。六脉細軟。此虛寒之候也。用理中湯。加入乳薑汁白蜜半夏一劑。便減。十劑而日進糜粥。更以十全大補加竹瀝薑汁四十貼。諸證皆愈。

南都徐奉誠。膈噎不通。渣質之物不能下咽。惟用人乳醇酒數杯。吐沫不已。求治于余。余曰。吐白沫。法在不治。脉猶未敗。姑冀萬一。用人參黃耆當歸白朮陳皮桃仁牛乳白蜜薑汁連進十劑。白沫漸少。倍用參朮。三月全安。

嘉定錢遠之。二十五歲。以鼓盆之戚。悲哀過度。不能食飯。又十餘日。粥亦不能食。隨食隨吐。二便閉澀。自謂必死。求診于余。余曰。脉按有力。非死證也。以酒蒸大黃。加桃仁。當歸。砂仁。陳皮。蜜丸。與服。凡五服。而下燥。尿乾。血甚多。病若失矣。數日之間。能食倍常。

大半夏湯 治肥人痰盛胃反嘔吐。

半夏湯洗 人參三錢 白蜜二錢

水二鍾和蜜揚之二百四十遍煎至八分服。

香砂寬中湯 治氣滯胸痞胃寒噎塞。

木香磨 白朮炒 陳皮

香附各一錢五分 白豆蔻 砂仁

青皮 檳榔 半夏麴

茯苓各一錢 厚朴薑製一錢二分 甘草三分

水二鍾薑三片煎一杯入蜜少許食前服。

補氣運脾丸 治脾虛噎塞。

人參二錢 白朮三錢 橘紅

茯苓各一錢五分 黃耆一錢 砂仁人分

甘草 四分 半夏 一錢無痰去之

水二鍾。薑三片。棗一枚。煎一鍾。食遠服。

滋血潤腸湯 治血枯及瘀血在膈。大便燥結。

當歸 酒洗三錢 芍藥 煨 生地黄 各一錢五分

紅花 酒洗 桃仁 去皮尖炒 大黃 酒煨

枳殼 炒各一錢

水鍾半。煎七分。入韭汁半酒鍾。食煎服。

人參利膈丸 治血少便燥。崩氣之聖藥也。

木香 檳榔 各七錢半 人參

當歸 酒洗 藿香 甘草

枳實 炒各一兩 大黃 酒蒸 厚朴 薑製各二兩

為末。水為丸。桐子大。每服三錢。白湯下。

丁沉透膈湯 治虛寒嘔吐。噎塞不通。

白朮 炒二錢 香附 炒 砂仁

人參 各一錢 丁香 麥蘖

木香 肉果 白豆蔻

青皮 各五分 沉香 厚朴 薑製

藿香 陳皮 各五分 甘草 炙一錢五分

半夏 湯洗七次 神麩 炒 草果 各二分半

水二鍾薑三片棗一枚煎八分服

秦川剪紅丸 治蟲血成膈氣

雄黃 別研 木香 各五分 檳榔

三稜 煨 蓬朮 煨 貫仲 去毛

乾漆 炒烟 陳皮 各一兩 大黃 一兩五錢

爲末麵糊丸桐子大每服五十九米飲下

四生丸 治一切結熱

北大黃 去皮酒潤一兩 黑丑 淨取頭末一兩 皂角 去皮生用一兩

芒硝 五錢

爲末水丸梧子大每服二三十九白湯下

昆布丸 治噎塞妨礙飲食不下

昆布 洗出鹹水 麥門冬 去心 天門冬 去心

訶黎勒 各一兩半 木通 大黃 微炒

朴硝 郁李仁 去皮微炒 桂心

百合 各一兩 羚羊角 杏仁 去皮尖炒

蘇子 炒 射干 各五錢 柴胡

陳皮 去白 檳榔 各二錢半

為末蜜丸。桐子大。每服三十九。薑湯下。

柿餅 燒灰存性。酒服一錢。數服即效。

白水牛喉 去兩頭節。并筋膜。節節取下。未醋一錢。炙至醋盡為末。每服一錢。米飲下。

甘蔗汁 二碗 薑汁 一碗 每服一碗。日三服。即不吐。

驢尿。熱服半鍾。日服二次。便不吐。

雄猪脂。烘乾為末。每服三錢。酒下。

猫胞一具。烘乾為末。水調服。即效。

千葉白椹花 陰乾為末。老米湯調送。一錢。日服三四次。頗有效。

蘆根 五兩。水二杯。煎一杯。溫服。時時呷之。尤效。

杓頭糠 布包。時時拭齒。另煎湯。時時呷之。效。

補中益氣湯 見類中風 理中湯 見傷寒

〇〇

凡反胃證。得藥而愈者。切不可便與粥飯。惟以人參五錢。陳皮二錢。老黃米一兩。作湯細啜。

旬日之後。方可食粥。倉廩未固。不宜便進米

穀。常致不救。

瘧疾

黃帝曰瘧瘧皆生于風其畜作有時者何也

凡瘧

皆名瘧昔人之解多非也。畜者伏也。作者發也。岐伯對曰瘧之始發也。

先起于毫毛伸欠乃作寒慄鼓頷腰脊俱痛寒

去則內外皆熱頭痛如破渴欲冷飲

起于毫毛者發寒毛

整也伸欠者呵欠也。陰陽上下交爭虛實更作陰陽相移

也。陽虛則外寒。陰虛則內熱。陽盛則外熱。陰盛則內寒。邪入于陰則陰實陽虛。邪入于陽則

陽實陰虛。故虛實更作者陰陽相移易也。陽并于陰則陰實而陽虛。

陽明虛則寒慄鼓頷也。巨陽虛則腰背頭項痛。

三陽俱虛則陰氣勝。骨寒而痛。寒生于內。故中外皆寒。陽盛則外熱。陰虛則內熱。外內皆熱。則喘而渴。故欲冷飲也。皆得之。夏傷于暑。熱氣盛。藏于皮膚之內。腸胃之外。此營氣之所舍也。令人汗空疎。腠理開。因得秋氣。汗出遇風。及得之以浴。水氣舍于皮膚之內。與衛氣并居。陽暑傷氣其證多汗。感而即發。邪不能留。陰暑無汗。故留藏也。癰必因于盛暑。貪涼不避風寒。或浴涼水。或食生冷。壯者邪不能干。怯者舍于營衛。但外感于寒者。多為癰。內傷于冷者。多為痢也。衛氣者。日行于陽。夜行于陰。此氣得陽而外出。得陰

而內薄。內外相薄。是以日作。其氣之舍深。內薄

于陰。陽氣獨發。陰邪內著。陰與陽爭。不得出。是

以間日而作也。其氣之舍深。則邪在藏矣。在麻者其行速。在藏者其行遲。故間

日而作也。邪氣客于風府。循脊而下。衛氣一日一夜


大會于風府。日下一節。故其作也。晏。此先客于

脊背也。每至于風府。則腠理開。邪氣入。則病作。

以此日作。稍益。晏也。其出于風府。日下一節。二

十五日。下至骶骨。二十六日。入於脊內。注于伏

膂之內。項骨三節。脊骨二十一節。共二十四節。邪氣自風府。日下一節。二十五日。下至



尾。復自後而前。故二十六日。入于脊內。以注伏膂之脈。其氣上行。九日出

于缺盆之中。其氣日高。故作日益蚤也。邪在伏

而上。無關節之阻。故九日而出。缺盆。其氣日高。則自陰就陽。其邪日退。故作漸蚤也。邪氣

內薄于五藏。橫連募原。其道遠。其氣深。其行遲。

不能與衛氣俱行。不得皆出。故間日乃作也。此重

文未盡之義也。夏傷于暑。其汗大出。腠理開發。因淒滄

之水寒。藏于皮膚之中。秋傷于風。則病成矣。水

者。浴水乘涼也。因暑受寒。汗不得出。夫寒者陰

氣也。風者。陽氣也。先傷于寒。而後傷于風。故先

寒而後熱也。病以時作。名曰寒瘧。先傷于風。而

後傷于寒。故先熱而後寒也。亦以時作。名曰温

瘧。但熱而不寒者。陰氣先絕。陽氣獨發。則少氣

煩。寃手足熱。而欲嘔。名曰痺瘧。○其間二日者。

邪氣與衛氣。客于六府。而有時相失。不能相得。

故休數日乃作也。客。猶會也。邪在六府。則氣遠

觀此。則丹溪所謂子午卯酉日為少陰瘧。寅申

巳亥為厥陰瘧。辰戌丑未為太陰瘧。非矣。子午

雖曰少陰。而卯酉則陽明矣。巳亥雖曰厥陰。而

寅申則少陽矣。丑未雖曰太陰。而辰戌則太陽

矣。三日發者。猶可以此為言。四日作者。又將何

以辨之。殊屬牽強。按此施治。未必無誤。不可以

聖 瘧疾

也。為訓帝曰。夏傷于暑。秋必病瘧。今瘧不必應者。

何也。岐伯曰。此應四時者也。其病異形者。反四

時也。秋瘧。應四時者也。春夏冬之瘧。病形多異。四時皆能為瘧也。秋病者寒

甚。冬病者寒不甚。陽氣伏于內也。春病者惡風。夏病者

多汗。○溫瘧者。得之冬中于風寒。所以傷寒。門有溫瘧。氣

藏于骨髓。至春則陽氣大發。邪氣不能自出。因

遇大暑。腦髓爍。肌肉消。腠理發泄。或有所用力。

邪氣與汗皆出。此病藏于腎。其氣先自內出之

于外也。如是者。陰虛而陽盛。陽盛則熱矣。衰則

氣復返入。入則陽虛。陽虛則寒矣。故先熱而後

寒。瘧瘧者。肺素有熱。氣盛于身。厥逆上衝。中氣

實而不外泄。有所用力。腠理開。風寒舍於皮膚

之內。分肉之間而發。發則陽氣盛。其氣不及于


陰。故但熱而不寒。

愚按經言夏傷于暑。秋為瘧瘧。又言瘧瘧皆生

于風。又言風寒之氣不常。又言汗出遇風。及得

之以浴。此皆以風寒暑濕為言也。語溫瘧。則曰

風寒中腎。語瘧瘧。則曰肺素有熱。夫冬寒既可。



以○中○腎○則○心○肝○脾○肺○四○藏○獨○無○今○氣○之○邪○可○以○
入○客○乎○肺○熱○既○可○以○入○瘧○則○肝○脾○心○腎○之○氣○鬱○
而○爲○熱○者○獨○不○可○以○成○瘧○乎○然○語○六○氣○者○道○其○
常○語○五○藏○者○盡○其○變○也○須○知○風○與○暑○陽○邪○也○寒○
與○水○陰○邪○也○風○者○陽○中○之○涼○氣○也○暑○者○熱○中○之○
寒○邪○也○由○是○則○四○者○皆○屬○于○寒○夫○夏○傷○於○暑○汗○
出○腠○開○當○風○浴○水○淒○滄○之○寒○伏○于○皮○膚○及○遇○秋○
風○新○涼○束○之○表○邪○不○能○外○越○陰○欲○入○而○陽○拒○之○
陽○欲○出○而○陰○遏○之○陰○陽○相○薄○而○瘧○作○矣○淺○者○病○
在○三○陽○隨○衛○氣○以○爲○出○入○而○一○日○一○作○深○者○病○
在○三○陰○邪○氣○不○能○與○衛○氣○並○出○或○間○日○或○三○四○
日○而○作○作○愈○遲○者○病○愈○深○也○經○之○論○瘧○無○漏○義○
矣○而○仁○齋○丹○溪○又○分○痰○與○食○飲○與○血○瘧○與○勞○與○
牝○此○不○過○瘧○之○兼○證○耳○非○因○而○成○瘧○者○也○故○治○
瘧○者○察○其○邪○之○淺○深○證○之○陰○陽○令○其○自○藏○而○府○
散○而○越○之○邪○去○則○安○古○法○有○汗○欲○其○無○汗○養○正○
爲○先○無○汗○欲○其○有○汗○散○邪○爲○急○然○邪○在○陽○者○取○
汗○易○邪○在○陰○者○取○汗○難○必○使○由○陰○而○陽○由○晏○而○

蚤乃得之也。又熱多者。涼藥爲君。寒多者。溫藥
爲主。至于痰食血飲。瘴勞與牝之七證。各隨其
甚者而兼理之。世俗又有鬼瘧之名。此爲時行
疫氣。投平胃散。無不截者。總之。脉實證實者。攻
邪以治標。脉虛證虛者。補正以治本。久瘧必虛。
惟人參生薑各一兩。連投二服于未發之前。莫
不應手取效。貧困者。白朮可代。血虧者。當歸可
代。近世不明表裏虛實。輒用知母石膏。芩連梔
栢。若表未解而得此寒涼。則寒邪愈固。或用當
山草果。巴豆砒雄。若正已虛而得此尅伐。則元
氣轉虛。故夫綿延不已者。皆醫之罪耳。豈病之
咎耶。

發散 瘧疾多因風寒暑濕。天之邪氣所傷。當分
經絡而發汗。其七情痰食水血。皆兼見之候。隨
證治之。

風瘧 惡寒自汗。煩躁頭疼。必先熱後寒。宜柴胡
蘇葉。細辛。白芷。羌活。生薑之類。

溫瘧 受冬月之寒。復因暑風而發。亦先熱後寒。

如熱多者。小柴胡湯。寒多者。小柴胡湯加桂。

寒瘧 納涼之風寒。沐浴之水寒。先受于腠中。復

因秋風涼肅而發。先寒後熱。宜羌活紫蘇生薑之類。散其太陽之邪。次用柴胡湯。近來不問何經。但用柴胡者非也。

瘧瘧 肺素有熱。陰氣先絕。陽氣獨發。少氣煩冤。

手足熱而嘔。此但熱而不寒。盛暑發者。人參白虎湯。

秋涼發者。小柴胡湯。

瘧瘧 汗出澡浴。或冒雨。或濕襲。其證身體重而

痛。嘔逆脹滿。胃苓湯。加羌活紫蘇。

牝瘧 陽氣素虛。當盛暑時。乘涼飲冷。陰盛陽虛。

故但寒而不熱也。柴胡薑桂湯。

食瘧 或肥甘無度。或生冷受傷。食滯痰生。其證

饑而不能食。食則脹滿。嘔吐腹痛。青皮草果荳

蔻砂仁神麩山查之類。

瘧瘧 嶺南地方。天氣炎。山氣濕。多有嵐瘴之毒。

發時迷悶。甚則狂妄。亦有不能言者。皆由血瘀

于心。涎聚于脾。須疎通大府。涼膈散。或小柴胡加

大黃木香。

或素有弱證。或因瘧成癆。十全大補湯。有熱者去桂。

瘧母 治之失宜。營衛虧損。邪伏肝經。脇下有塊。

此證當以補虛為主。每見急于攻塊者。多致不

救。六君子湯。加木香。肉桂。蓬朮。鼈甲。

鬼瘧 俗以夜發者為鬼瘧。非也。邪入陰分。發於

六陰。宜四物湯。加知母。紅花。升麻。柴胡。提起陽分。方可截之。惟

時行不正之氣。真鬼瘧也。宜平胃散。加雄黃。桃仁。

截瘧法 瘧發四五遍後。曾經發散者。方可截之。

何首烏散。常山飲。獨蒜丸。久瘧大虛者。人參。兩。生薑。兩。連進三服。若病

邪初起。未經發散。遽用酸收。切止之劑。必致綿延難愈。或變成他證。不可不謹也。

脈候 瘧脈自弦。弦數多熱。弦遲多寒。弦

而浮大。可吐之。微則為虛。代散者死。

醫案

太史楊方壺。瘧發間日。脈見弦緊。兩發後。苦不可支。且不能忌口。便懇截之。余曰。邪未盡而強截之。未必獲效。即使截住。必變他證。不若治法得所。一二劑間。令其自止。升麻。柴胡。各二錢。提

陽氣上升。使遠于陰。而寒可止。黃芩知母各一錢五分。引陰氣下降。使遠于陽。而熱自已。以生薑三錢。劫邪歸正。甘草五分。和其陰陽。一劑而減半。再劑而竟止矣。

新安程武修患瘧。每日一發。自巳午時起。直至次日寅卯而熱退。不踰一時。則又發矣。已及一月。困頓哀苦。命兩郎君叩首無筭。以求速愈。余曰。頭痛惡寒。脉浮而大。表證方張。此非失汗必誤。截也。武脩云。寒家素有截瘧丸。百發百中。弟

服之。病勢增劇。何也。余曰。邪未解而遽止之。邪不能伏。請以八劑。四日服盡。決效耳。石膏黃芩各三錢。抑陽明之熱。使其退。就太陰。白豆蔻三錢。生薑五錢。救太陰之寒。使其退。就陽明。脾胃爲夫妻。使之和合。則無陰陽乖亂之愆。半夏檳榔各一錢五分。去胸中之痰。蘇葉二錢。發越太陽之邪。乾葛一錢。斷入陽明之路。甫三劑而瘧止。改用小柴胡倍人參。服四劑。補中益氣。服十劑而瘧。

相國沈銘。縝丙辰秋患瘧吐。魀悶不思食。六脉沉細。余曰。瘧傷太陰。中寒魀動也。用理中湯。加烏梅三個。黃連五分。進四劑後。胸中豁然。寒熱亦減。魀亦不吐。去黃連。加黃耆二錢。生薑五錢。五劑而瘧止。以手書謝云。蚤年攻苦。即有寒中之患。醫者但明疎氣。不解扶陽。積困于今。雖當盛暑。寒冷不敢沾唇。此獨不肖自知之耳。瘧發。魀動。幾爲性命之憂。幸老年在隔垣之跡。一七回春。豈第超邁庸儔。直當上叅和扁。嗣此有生。詎非慈造。鑄之焦府。與日倍長矣。

渣脾飲

治瘧疾脉來弦數。或但熱不寒。或熱多寒少。口苦咽乾。小便赤澀。

青皮炒

厚朴薑製

白朮炒黃

黃芩

草果各八分

柴胡

茯苓

半夏各一錢半

甘草五分

水二鍾。生薑五片。煎一鍾。服。

近來不問虛實。槩用此湯。過矣。

白虎加桂枝湯

治但熱不寒。及有汗者。

知母一錢二分

桂枝五分

甘草五分

粳米一錢

石膏五錢

水鍾半煎八分服。

參蘇飲

方見傷風

小柴胡湯

方見傷寒

補中益氣湯

方見類中

風涼膈散

方見中風

理中湯

方見傷寒

十全大補湯

六

君子湯

方見虛癆

香薷飲

方見中暑

二术柴葛湯

諸瘧必用

白朮炒焦

蒼朮炒

柴胡

陳皮各七分

甘草四分

水鍾半生薑五片煎八分服。一口一發。及

午前發邪在陽分。加枯苓茯苓半夏。熱甚口

渴。加石膏。知母。麥門冬。間日或三四日發。或

午後及夜發者。邪在陰分。加四物湯。酒炒黃

耆。紅花。提起陽分。方可截之。脉虛神倦。加人

參。黃耆。傷食者。加神麩。麥芽。山查。黃連。痰多。

加生薑半夏。要截。加檳榔。常山。烏梅。

常山飲

治瘧痰在胸。用此吐之。若用砒霜之類。即使瘧愈。脾胃受傷。須用此湯為穩。

常山酒炒

水二鍾。煎一鍾。空心服。若酒浸一宿。多妙。透熟。即不吐。

露薑飲。治痰瘧寒瘧。

生薑 四兩 連皮搗汁一碗露一宿空心服

交加雙解飲子 治癩瘡神效

肉豆蔻 二大枚 草豆蔻 二枚 厚朴 五錢

甘草 四錢 生薑 四錢

水二鍾煎一鍾空心服 五藥俱一半生一半熟

癩母丸 元氣不甚虛者宜此

青皮 桃仁 紅花

麥芽 各二兩 鼈甲 四兩 海粉

香附 三稜 蓬朮 各二兩

十味俱用醋煮神麴糊為丸桐子大每服三錢薑湯送下

祛癩飲 三發後可用因其衰而減之立效

知母 去毛酒炒五錢 貝母 去心九分 陳皮 去白

山查肉 枳實 各一錢五分 檳榔 八分

柴胡 去蘆七分 紫蘇 一錢 甘草 去皮炙三分

水二鍾煎一鍾渣用水二鍾煎八分俱露一宿臨發日五更服頭煎未發前一時服二煎

截癩飲 虛人久癩不止此極極效

黃耆

酒炙 二錢

人參

白朮

炒

茯苓

各一錢 五分

砂仁

草果

橘紅

各一錢

五味子

八分

甘草

六分

烏梅

三個

水二鍾。生薑十大片。棗二枚。煎一鍾服。

何首烏。忌鐵為末。酒調下三錢。臨發先服。

或煎湯服。

獨蒜十二枚。

煨熟

桃仁

一百粒。去皮尖炒。

搗爛入黃丹丸。

如菘豆大。每服九九發日五更。面東酒送。

桃仁一味。研爛不犯水。加黃耆丸。五月五日。

常山末二錢。

酒浸炒透。即不發吐。

烏梅肉

四枚

研爛為丸。此

截瘧必效之方。世俗畏常山發吐。不知其有

神功。但炒透即不吐耳。

生鼈甲

不見湯煮者

醋炙黃為末。烏梅肉為丸。每服

三錢。必效。

痢疾

經名腸澼
古稱滯下。

帝曰。腸澼便血。何如。岐伯曰。身熱則死。寒則生。

腸中下痢曰腸澼。便血者。赤痢也。腸勝陰衰。則身熱。故死。營氣未傷。則身不熱。故生。帝曰。

腸澼下白沫。何如。岐伯曰。脉沉則生。脉浮則死。

白沫者。白痢也。病屬陰。而見陰脉。為順。故沉則生。陽脉為逆。故浮則死。有屬熱者。不拘此例。

帝曰。腸澼下膿血。何如。岐伯曰。脉懸絕則死。滑

大則生。


膿血者。赤白兼下也。懸絕者。脉至如絲。懸懸欲絕也。邪實正虛。故死。滑因血盛。

氣未傷。故生。帝曰。身不熱。脉不懸絕。何如。岐伯曰。滑

大者曰生。懸澼者曰死。以藏期之。身不熱。脉不懸絕。皆非死。

候也。若不滑而澹，不大而小，仍或證也。故滑大為生，澹小為死也。以藏期之者，肝見庚辛死，心見壬癸死，肺見丙丁死，脾見甲乙死，腎見戊己死也。

愚按痢之為證，多本脾腎。脾司倉廩，土為萬物之母，腎主蟄藏，水為萬物之元。二藏皆根本之地，投治少差，寃沉幽冥，窳其疵誤，皆寒熱未明，虛實不辨也。晚近不足論，即在前賢，頗有偏僻。如局方與復庵，例行辛熱，河間與丹溪，專用苦寒，何其執而不圓，相去天壤耶。夫痢起夏秋，濕蒸熱鬱，本乎天也。因熱求涼，過吞生冷，由于人也。氣壯而傷于天者，鬱熱居多，氣弱而傷于人者，陰寒為甚。濕土寄旺四時，或從于火，則陽土有餘，而濕熱為病，經所謂墩阜是也。或從于水，則陰土不足，而寒濕為病，經所謂卑監是也。言熱者遺寒，言寒者廢熱，豈非立言之過乎。至以赤為熱，白為寒，亦非確論。果爾，則赤白相兼者，豈真寒熱同病乎。必以見證與色脈辨之，而後寒熱不惑也。須知寒者必虛，熱者必實，更以虛實細辨之，而寒熱愈明耳。脹滿惡食急痛懼按。



者實也。煩渴引飲。喜冷畏熱者。熱也。脈強而實者。實也。脈數而滑者。熱也。外此則靡非虛寒矣。而相似之際。尤當審察。如以口渴為實熱。似矣。不知凡係瀉痢。必亡津液。液亡于下。則津涸于上。安得不渴。更當以喜熱喜冷。分虛實也。以腹痛為實熱。似矣。不知痢出于藏。腸胃必傷。膿血剝膚。安得不痛。更當以痛之緩急。按之可否。藏之陰陽。腹之脹與不脹。脈之有力無力。分虛實也。以小便之黃赤短少。為實熱。似矣。不知水從痢去。溲必不長。液以陰亡。溺因色變。更當以便之熱與不熱。液之涸與不涸。色之澤與不澤。分虛實也。以裏急後重。為實熱。似矣。不知氣陷。則倉廩不藏。陰亡。則門戶不閉。更當以病之新久。質之強弱。脈之盛衰。分虛實也。至于治法。須求何邪所傷。何藏受病。如因于濕熱者。去其濕熱。因于積滯者。去其積滯。因于氣者。調之。因于血者。和之。新感而實者。可以通。因通用。久病而虛者。可以塞。因塞用。是皆常法。無待言矣。獨怪世

之病痢者十有九虛。而醫之治痢者百無一補。氣本下陷而再行其氣後重不益甚乎。中本虛衰而復攻其積元氣不愈竭乎。濕熱傷血者自宜調血。若過行推蕩血不轉傷乎。津亡作渴者自宜止泄。若但與滲利津不轉耗乎。世有庸工專守痛無補法。且曰直待痛止方可補耳。不知因虛而痛者愈攻則愈虛愈痛矣。此皆本末未明。但據現在者爲有形之疾病。不思可慮者在無形之元氣也。請以宜補之證悉言之。脈來微弱者可補。形色虛薄者可補。疾後而痢者可補。因攻而劇者可補。然而尤有至要者。則在脾腎兩藏。如先瀉而後痢者。脾傳腎爲賊邪。難療。先痢而後瀉者。腎傳脾爲微邪。易醫。是知在脾者病淺。在腎者病深。腎爲胃關。開竅于二陰。未有久痢而腎不損者。故治痢不知補腎非其治也。凡四君歸脾十全補中皆補脾虛。未嘗不善。若病在火衰土位無母。設并桂附大補命門以復腎中之陽。以救脾家之母。則飲食何由而進門。

戶何由而固真元何由而復耶若畏熱不前僅以參朮補土多致不起大可傷矣

積分新舊 舊積者濕熱食痰也法當下之新積

者下後又生者也或調或補不可輕攻若因虛而痢者雖舊積亦不可下但用異功散虛回而痢自止丹溪有先用參朮補完胃氣而後下者邪一妙法也虛者宜之

色黑有二 焦黑者熱極反兼勝已之化芍藥湯 黑

如漆之光者瘀血也桃仁承氣湯

裏急 裏急而不得便者火也重者承氣湯輕者芍藥湯 裏急

頻見汚衣者虛也補中益氣湯去當歸加肉果

後重 邪迫而後重者至闔稍減未幾復甚芍藥湯

虛滑而後重者闔後不減以得解愈虛故也真人

養藏湯 下後仍後重者當甘草緩之升麻舉之

虛坐努責 虛坐而不得大便血虛故裏急宜歸

身地黃芍藥陳皮之屬

噤口 食不得入到口即吐有邪在上膈火氣冲

逆者黃連木香桔梗橘紅茯苓菖蒲 有胃虛嘔逆者治中湯 有陽

醫宗必讀 卷之七 痢疾

氣不足。宿食未消者。理中湯加砂仁。陳皮木香豆蔻。有肝氣嘔

吐者。木香黃連吳茱萸黃青皮芍藥之類。有水飲停聚者。輕者五苓散重

者加甘遂。有積穢在下。惡氣薰蒸者。承氣湯。石蓮為末。

陳米湯調下。石蓮雖是蓮子之老者。丹溪用人

參黃連濃煎。加薑汁細細呷之。如吐再吃。但得

一呷下咽。便開。

休息痢。屢止屢發。久不愈者。名曰休息。多因斃

澁太早。積熱未清。香連丸加參朮。甘草茯苓枳實。有調理失宜

者。隨證治之。有虛滑甚者。椿根白皮。東引者水

浸一日。去黃皮。每兩配人參一兩。煨木香二錢。

粳米三錢。煎湯飲之。或大斷丸。

腹痛。因肺金之氣鬱在大腸之間。宜枯梗開之。

白芍藥甘草陳皮木香當歸為主。惡寒加乾薑。

惡熱加黃連。

江門痛。熱留于下。宜槐花木香。挾寒者。理中湯。

變蟲痢。其形極細。九蟲之一也。胃弱腸虛。則蟻

蟲乘之。或癢。或從穀道中溢出。雄黃鏡散。方見傷寒。內服

桃仁槐子蕪荑。

死證 下純血者死。如屋漏水者死。大孔如竹筒者死。唇若塗硃者死。發熱不休者死。色如魚腦。或如猪肝者。皆半死半生。脉細皮寒。氣少。泄利前後。飲食不入。是謂五虛。死。惟用參附。十可救一。

脈候 沉小微細者吉。洪大滑數者凶。仲景云。沉弦者重。脉大者為未止。微弱者為欲自止。雖發熱不效。

醫案

屯院孫瀟湘夫人。下痢四十日。口乾發熱。飲食不進。腹中脹悶。完穀不化。尚有謂其邪熱不殺穀者。計服香連枳殼。蒼薤厚朴等三十餘劑。絕穀五日。命在須臾。迎余診之。脉大而數。按之豁然。詢得腹痛而喜。手按小便清利。此火衰不能生土。內真寒而外假熱也。亟煎附子理中湯。永冷與服。一劑而痛止。六劑而熱退。食進。兼服八味丸二十餘日。霍然起矣。

淮安郡侯許同生。令愛痢疾。腹痛。脉微而軟。余

曰。此氣虛不能運化精微。其窘迫後重者。乃下陷耳。用升陽散火湯二劑。繼用補中益氣湯十劑。即愈。

文學顧偉男之內痢疾一月。諸藥無功。余診之。曰。氣血兩虛。但當大補。痢家藥品一切停廢。以十全大補。連投十劑。兼進補中益氣。加薑桂。二十餘劑而安。

兵尊張綱庵。秋間患痢。凡香連枳朴等劑。用之兩月。而病不衰。余診之。滑而有力。失下之故也。用香連歸芍陳皮枳殼。加大黃三錢。下穢物頗多。診其脉尚有力。仍用前方。出積滯如魚腸者。約數碗。調理十餘日而痊。

撫臺毛孺初痢如魚腦。腸鳴切痛。聞食則嘔。所服皆芩連木香菖蒲藿香橘紅芍藥而已。後有進四君子湯者。疑而未果。飛艇相招。兼夜而往。診得脉雖洪大。按之無力。候至右尺。倍覺濡軟。余曰。命門火衰。不能生土。亟須參附。可以回陽。孺翁曰。但用參朮。可得愈否。余曰。若無桂附。雖

進參朮無益于病。且脾土大虛。虛則補母。非補火乎。遂用人參五錢。熟附一錢五分。炮薑一錢。白朮三錢。連進三劑。吐止食粥。再以補中益氣加薑附。十四劑後。即能視事。

大黃湯 治膿血稠粘。裏急後重。腹痛脉實。

錦紋大黃 一兩

好酒二鍾。浸半日。煎至鍾半。去渣。分二次服。

芍藥湯 經曰。澁而便膿血。知氣行而血止也。行血則便膿自愈。調氣則後重自除。

芍藥 一錢 當歸 五分 黃連

黃芩 各八分 大黃 一錢 桂 五分

甘草 炒 檳榔 各四分 木香 五分

水二鍾。煎一鍾。服。痢不減。漸加大黃。

白朮黃芩湯 服前藥。痢雖除。更宜調和。

白朮 三錢 炒 黃芩 二錢 甘草 一錢

水鍾半。薑三片。煎八分服。

承氣湯 見傷寒 藿香正氣散 見中風 蘇合香丸 見中風

黃連丸

乾薑 炮 黃連 炒 砂仁 炒

川芎

阿膠炒 蛤粉

白朮各一兩

乳香

另研三錢

枳殼麩炒五錢

為末。鹽梅三箇。取肉。少入醋。丸如桐子大。每服二錢。白湯送下。食前服。

蒼朮地榆湯

治脾經受濕下血痢

蒼朮

六錢炒

地榆二錢

水二鍾。煎一鍾服。

鬱金散

治熱毒痢下血不止

真鬱金

槐花炒各五錢

甘草炙二錢五分

右為細末。每服二錢。食前豆豉湯調下。

芍藥黃芩湯

黃芩

芍藥各三錢

甘草一錢

水鍾半。煎八分服。

香連丸

黃連

二十兩。吳茱萸十兩。水拌。同炒令赤。去茱萸。

木香

四兩八錢八分

右為細末。醋糊丸。桐子大。每服三錢。空心米

湯送下。

導氣湯

木香

檳榔

黃連

各六分

大黃

黃芩

各一錢五分

枳殼

一錢炒

芍藥 六錢

當歸 三錢

分二服。水二鍾。煎一鍾。食前服。

真人養藏湯

治虛寒痢疾久而不愈。

人參

白朮

當歸

各六分

白芍藥

木香 各一錢六分

甘草 炙

肉桂 各八分

肉果 麵裹煨五分

栗殼 蜜炙三分

訶子肉 一兩二錢

水二鍾。煎一鍾。食前溫服。

理中湯

見傷寒

治中湯

即理中湯。加陳皮青皮。

補中益氣湯

異功散

四君子湯

十全大補湯

歸脾湯

俱見虛癆

倉廩湯

治噤口痢。乃熱毒冲心。

人參

茯苓

甘草 炙

前胡

川芎

羌活

獨活

桔梗

柴胡

枳殼

陳倉米

各八分

水二鍾。生薑三片煎一鍾服。

訶梨勒丸 治休息痢。

檮白皮

二兩

訶子

五錢 去核

母丁香

三上

為末糊丸。梧子大。每服三錢。陳米湯入醋少

許送下。日三服效。

蕪荑丸 治久痢。及下部有蟲。

蕪荑

炒

黃連

各二兩

蚺蛇膽

五錢

為末蜜丸。梧子大。每服二錢。食前杏仁湯下。

瓜蒌散 治五色痢。久不愈。

瓜蒌

一枚。黃色者。炭火煨存性。蓋地上一宿。出火毒。

右研細末。作一服。溫酒調下。

大斷下丸 治藏寒久痢。

高良薑

一兩 五錢

牡蠣

煨 二兩

附子

製 一兩

乾薑

炮 一兩 五錢

細辛

一兩 五錢

龍骨

研 一兩

赤石脂

粘礬

肉豆蔻

麵煨

訶子肉

各一兩

石榴皮

醋浸 炒黃

右為細末。醋糊丸。桐子大。每服三錢。米湯下。

泄瀉

經曰春傷於風夏生飧泄邪氣留連乃為洞泄

肝應于春屬木主風春傷于風肝受邪也木旺則賊土夏令助其濕氣則生飧泄飧泄者下利清穀也邪氣久而不去脾土大虛水來侮之則倉廩不藏而為洞泄洞泄者下利清水也又

曰清氣在下則生飧泄清氣本上升虛則陷下陷下則不能收而飧泄

又曰濕勝則濡泄土強制水濕邪不干腸胃白濁上虛濕勝濡泄至矣又

曰暴注下迫皆屬於熱暴注者卒暴注泄也腸胃有熱傳化失常火性疾速故如是也下迫者後重裏急也火性急速而能燥物故也諸病水液澄澈

清冷皆屬於寒水穀不化澄澈清冷皆得寒水之化如秋冬寒涼水必澄清也

醫宗金鑑 卷之七 泄瀉

夫火熱之證。必以暴至。水寒之證。必以漸成。故曰。暴泄非陰。久泄非陽也。

愚按內經之論泄瀉。或言風。或言濕。或言熱。或言寒。此明四氣皆能為泄也。又言清氣在下。則生飧泄。此明脾虛下陷之泄也。統而論之。脾土強者。自能勝濕。無濕則不泄。故曰濕多成五泄。若土虛不能制濕。則風寒與熱。皆得干之。而為病。治法有九。一曰淡滲。使濕從小便而去。如農人治澇。導其下流。雖處旱。監不憂。巨浸。經云。治濕不利小便。非其治也。又云。在下者引而竭之。

是也。一曰升提。氣屬于陽。性本上升。胃氣注迫。輒爾下陷。升柴羌葛之類。鼓舞胃氣上騰。則注下自止。又如地上淖澤。風之即乾。故風藥多燥。且濕為土病。風為木藥。木可勝土。風亦勝濕。所謂下者舉之是也。一曰清涼。熱淫所至。暴注下迫。苦寒諸劑。用滌燔蒸。猶當溽暑伊鬱之時。而商飈颯然。倏動則炎歛如失矣。所謂熱者清之是也。一曰疎利。痰凝氣滯。食積水停。皆令人瀉。隨證祛逐。勿使稽留。經云。實者瀉之。又云。通因

通用是也。一曰甘緩。瀉利不已。急而下趨。愈趨愈下。泄何由止。甘能緩中。善禁急速。且稼穡作甘。甘為土味。所謂急者緩之是也。一曰酸收。瀉下有日。則氣散而不收。無能統攝。注泄何時而已。酸之一味。能助收肅之權。經云。散者收之是也。一曰燥脾。土德無慙。水邪不濫。故瀉皆成于上。濕濕皆本于脾虛。倉廩得職。水穀善分。虛而不培。濕淫轉甚。經云。虛者補之是也。一曰溫腎。腎主二便。封藏之本。况雖屬水。真陽寓焉。少火

生氣。火為土母。此火一衰。何以運行。三焦熱腐。五穀乎。故積虛者必挾寒。脾虛者必補母。經云。寒者溫之是也。一曰固澁。注泄日久。幽門道滑。雖投溫補。未克奏功。須行澁劑。則變化不愆。揆度合節。所謂滑者澁之是也。夫是九者。治瀉之大法。業無遺蘊。至如先後緩急之權。豈能豫設。須臨證之頃。圓機靈變。可以胥天下于壽域矣。

難經五泄

胃泄 飲食不化 色黃 承氣 脾泄 腹脹

滿泄 注食即嘔吐 建中湯 大腸泄 食已窘迫 大

便色白。腸鳴切痛。乾薑附子湯小腸泄洩而便膿血。

少腹痛。承氣湯大瘕泄裏急後重數至圜而不能

便莖中痛。承氣湯

腎泄五更溏洩久而不愈是腎虛失閉藏之職

也。五味子散亦有食積者。香砂枳朮丸寒積。理中湯宜酒夜飯前進

積。葛花解醒湯

驚泄中寒糟粕不化色如鴨糞澄澈清冷小便

清白。附子理中湯

飧泄水穀不化而完出也。史記名風邪干胃木

來賊土清氣在下。升陽除濕湯

洞泄一名濡泄瀉下多水也。胃苓湯水液去多甚而轉

筋血傷故筋急也。升陽除濕湯

痰泄痰留于肺大腸不固脉必弦滑以藥探吐

其人神必不瘁色必不衰。或二陳湯加蒼朮木香

火泄腹痛瀉水腸鳴痛一陣瀉一陣火也。黃芩芍藥湯

湯張長沙謂之協熱自利

直腸泄食方入口而即下極為難治。大斷下丸

脈候胃脉虛則泄脉滑按之虛者必下利

腎脉小甚為洞泄。肺脉小甚為泄。泄脉澀大者逆。下利日十餘行。脉反實者死。腹鳴而滿。四肢清泄。其脉大者。十五日死。腹大脹。四末清。脫形泄甚。不及一時死。下則泄瀉。上則吐痰。皆不已。為上下俱脫。死。

醫案

大宗伯董玄宰。夏初水泄。完穀不化。曾服胃苓湯。及四君子湯。不效。余曰。經云。春傷于風。夏生飧泄。謂完穀也。用升陽除濕湯。加人參二錢。三

劑頓止。

大司寇姚岱芝。吐痰泄瀉。見食則惡。面色痿黃。神情困倦。自秋及春。無劑弗投。經久不愈。比余診之。口不能言。亟以補中益氣。去當歸。加肉果二錢。熟附一錢。炮薑一錢。半夏二錢。人參四錢。日進二劑。四日而瀉止。但痰不減耳。余曰。腎虛水泛為痰。非八味丸不可。應與補中湯並進。凡四十日。服人參一斤。飲食大進。痰亦不吐。又半月而酬對如常矣。

胃苓湯

一名對金飲子。即五苓散平胃散。二方合用也。治暑濕停飲泄瀉。小便不利。

蒼朮

製一錢 厚朴 製

陳皮

各一錢

甘草

五分

白朮

八分

茯苓

一錢

澤瀉

各一錢

肉桂

三分

猪苓

一錢

水二鍾。薑三片。棗二枚。煎八分服。

藿苓湯

治夏月暑瀉。欲成癰痰。

香薷

一錢

黃連

薑汁

厚朴

薑汁

扁豆

炒各一錢

猪苓

各八分

澤瀉

各一錢

白朮

炒

茯苓

各八分

甘草

五分

水二鍾。生薑三片。煎八分服。

六一散

一名益元散。治傷暑水瀉。

加紅麴。名青六九。加薑末。名溫六九。

滑石

水飛六兩

甘草末

一兩

新汲水調服。

戊巳丸

黃連

酒炒四兩

白芍藥

三兩

吳茱萸

泡炒二兩

為末。神麴和丸。桐子大。米飲送二錢。

升陽除濕湯

治受風殭泄。及虛弱不思食。小便黃赤。四肢困倦。

蒼朮

一錢

柴胡

羌活

防風

神麴

澤瀉

猪苓 各六分

陳皮

麥蘖

炙甘草 各三分

升麻 五分

水鍾半薑三片煎七分服。

漿水散

治暴瀉如水。一身盡冷。汗出脈弱。氣少不能言。甚者嘔吐。此為急病。

半夏 二兩薑製

良薑 二錢五分

乾薑 炮

肉桂

甘草 炙

附子 炮各五錢

右為細末。每服四錢。水二鍾。煎一鍾服。

連理湯

即理中湯加黃連茯苓。

人參

白朮 各一錢五分

乾薑 二錢炒

甘草 炙五分

茯苓 一錢五分

黃連 一錢炒

水二杯。煎一杯。食遠服。

茱萸斷下丸

治藏府虛寒。腹痛泄瀉大效。

吳茱萸 二兩炒

赤石脂

乾薑 各一兩五錢

艾葉 炒

縮砂仁

肉荳蔻

附子 製各一兩

為末。麵糊丸。每服三錢。米飲送下。

大斷下丸

方見痢疾

固腸丸

樗皮

四兩 醋炙

滑石

二兩 水飛

爲末粥丸。此丸性燥。滯氣未盡者勿服。

補中益氣湯

見類中

四君子湯

六君子湯

異功散

見虛癆

承氣湯

理中湯

見傷寒

金匱腎氣丸

見腫脹

八味丸

見虛癆

四神丸

治脾腎虛寒。大便不實。飲食不思。

肉果

麵煨 二兩

補骨脂

四兩

五味子

二兩

吳茱萸

浸炒 一兩

右爲末。生薑八兩。紅棗一百枚。煮熟。取棗肉。

去皮。和丸如桐子大。每服四錢。空心米飲下。

葛花解醒湯

治酒傷吐瀉。

青皮

三錢

木香

五分

橘紅

人參

猪苓

去皮

茯苓

各一錢 五分

神麴

炒

澤瀉

乾薑

炒

白朮

各二錢

白芷

葛花

砂仁

各五錢

右爲細末。每服三錢。白湯調服。得汗即愈。

無木丸

消食止瀉


枳實

去瓢殼 炒一兩

白朮

二兩 土炒

枳實為末。荷葉裹燒飯為丸。如桐子大。每服三錢。白湯下。用白朮。令胃強不復傷也。加木香一兩。砂仁一兩。香砂枳朮丸。



醫宗必讀卷之七 終

